

2 PETERO

Pepa Petero ñgere muli panzi kalo-tawana tamâta

Yesu ne pâri-tamâta Petero ñgere ñgua panzi Juda tamâta ñinde kalonzi tawana Yesu ku simo pwapwataki (1 Petero), aku zo pinde ilâ lâ, ñineña ñgere ñgua pinde panzi kilo. Petero ne zo ñana imâte kê nde imâ ipâña laiti lâ (1:14), aku isama tu kinzi pananâña tamâta lajeña pinde nde simo kinzi ñgu ñgininzi, ku situla ilo-kalo soki-soki siyaula tamâta nenzi kalo-tawana. Kinzi pinde siporo tu Yesu ma itaulo imâ kilo tia, andeta Petero itula ñgua mao tu Yesu ne zo nde ikeno mo ñai yo (3:3-13). Ara ñana kinda rârani ma tapu mulinda pa ñgua lajeña, ku tapaveta kuku Maro Kindeni kawa ñgua mao.

¹ Naña Saimon Petero, naña nde Yesu Kirisi ne wurâta tamâta, aku amo i ne pâri-tamâta tava. Yesu ina kinda nenda Maro Nalae wa nenda Yautâña Tamwata wa. Naña angere ñgua lâ pepa ñine tini imâ pa miki kalo-tawana tamâta. Yesu Kirisi ne vetâña ara ikai nzâla piti pami lâ ñana nemi kalo-tawana ipâña kekekele ara ndo, itogo maka nema kalo-tawana mine. ² Kala ñine miki kasama Maro Kindeni ku nenda Maro Nalae Yesu rua kilalanzi marumbu lâ. Mine kala Maro Kindeni ne wisi-wisi wa wisi-pisi wa imâ ñalae pami.

Maro Kindeni ipatea kinda pa i tamwata

³ Kirisi nde ña ñalae ndo, aku ina vetâña ara warika. Aku inani isarâwa pa kinda ku itula i tamwata kilala pwataki pa kinda tasama lâ. Mine kala io tamwata ne walo kaika imâ pa kinda, kala takura tu tamo sondo ku tapaveta kuku vetâña arara, aku kinda ma taroto ñana sâ tonje kilo ñana tapavila warakânda kê, ande ma tia. ⁴ Ñana i kilala ara ñinde kê, ande iveta vetâña arara kie-kie pa kinda lâ, ikura muña ipa ñgua tu ma iveta mine. Aku vetâña ñinde uru isuka kinda, kala takura tu tanjenje ñana vetâña potomule ne pazavaruña kê, vetâñani ndaina tamâta nenzi ilo-kalo sakamao iveta ipânga tâno kulu. Mine kala kinda takura tu tamo sondo ndo, itogo Maro Kindeni imo mine.

⁵ Kirisi iveta vetâña ñinde rârâni pa kinda lâ. Mine nde ara ñana miki ma kakai wurâta kaika ndo ñana kalomi tawana i mao nâ. Kaveta mine lâ nga, ñineña kakai wurâta kaika ñana kapaveta kuku vetâña arara. Kaveta mine lâ nga, ñineña kakai wurâta kaika ñana kapanâna sondo ñana i ne ilo-kalo kê. ⁶ Kaveta mine lâ nga, ñineña kakai wurâta kaika ñana kakai poe sondo pa warakami ilomi kalomi. Kaveta mine lâ nga, ñineña kakai wurâta kaika ñana kamandi kaika lâ zo ndia malia ipânga pami. Kaveta mine lâ nga, ñineña kakai wurâta kaika ñana kamo itogo Maro Kindeni ilo papa mine. ⁷ Kaveta mine lâ nga, ñineña kakai wurâta kaika ñana kaveta kemi ara nâ panzi nimi-nambwe kalo-tawana tamâta. Kaveta mine lâ nga, ñineña kakai wurâta kaika ñana kao ilomi ndo ilo panzi tamâta rârâni. ⁸ Aporo ñgua mine ñana duvi ñine kê; ambo vetâña mine ma ikeno pami

lee ipânga n̄alae tina, ande n̄inde ma isuka nemi wurâta kaveta pa nenda Maro N̄alae Yesu Kirisi kâ. Mine nde nemi wurâta n̄inde ma ipânga kanojo, aku miki ma kasama i kilala sondo tona. ⁹ Ambo kalo-tawana tamâta tonje ma ipaveta kuku vetâna n̄inde tia, ande i imo itogo tamâta mata n̄ana mine. I ipânga tamâta mata leva-leva nâ, aku i kalo kapa tu Maro Kindeni muŋga izavaru kiesaka ne muso piti lâ i tini.

¹⁰ Niŋgu-nambwe wukale, Maro Kindeni muŋgani isarawami lâ, aku ipateami pa i tamwata nâ. Mine nde ara n̄ana miki ma kakai wurâta kaika n̄ana kaponu muli pa i ne pateâna n̄inde. Ambo miki ma kaveta mine, ande nemi kalo-tawana ma ikura n̄ana imbe kâ, ande tia. ¹¹ N̄ineŋga Maro Kindeni ma ilo ndeka pami ku ma ikai nzâla piti pami n̄ana kakai via mao lâ samba lawea. Aku miki ma kamo kuku nenda Maro N̄alae Yesu Kirisi, ina nenda Yautâna Tamwata, ma kamo ara mine ku kamo nâ.

¹² Mao nâ, miki kapanâna lâ n̄ana kekekele n̄inde kâ, aku miki kapaipa lâ kuku n̄gua mao muŋga kalonjo n̄inde. Andeta n̄ana ma aporo n̄guani ndaina pami kilo ikura zo zo, n̄ana miki ma kalomi n̄gere kilo n̄ana n̄inde kâ. ¹³ N̄ana ilonju pateu tu ambo n̄ana ma akai wurâta mine n̄ana apaŋo ilomi kalomi ikura zo rârâni n̄ana amo viâŋgu lâ tâno kulu, ande n̄inde ma ara. ¹⁴ N̄ana tu n̄ana asama n̄ine; zo mbwana-mbwana nâ, n̄ineŋga n̄ana ma apile karaenju n̄ine ku amâte. Nenda Maro N̄alae Yesu Kirisi itula n̄ine pwataki pa n̄ana lâ. ¹⁵ Mine kala n̄ine n̄ana ma aveta wurâta kaika ndo n̄ana apaŋo ilomi kalomi kâ. N̄ineŋga lâ zo n̄ana amâte kâ, ande miki ma kakura tu kalomi n̄gere kilo n̄ana

ngua njine kâ ikura zo zo.

Kinzi pâri-tamâta simora Maro Kindeni ne sinâla pwataki lâ Yesu Kirisi tini

¹⁶ Munnga maka katula ngua pami njana Maro Njalae Yesu Kirisi ne zo njana itaulo imâ kilo tava ne walo kaika. Andeta maka njandai katapâri tamâta nenzi usi kaa nâ pinde pami nga. Maka warakama matama kamora i ne walo kaika njinde. ¹⁷ Zo tonje, kawa ngua ne sarawâña iyoka pa Maro Kindeni ne sinâla njalae ilo ku indue imâ pa Yesu Kirisi mine tu, “Naña natungu ara kala njine. Naña tiningu mwasa papa wa ilonju ndeka papa wa.” Aku lâ zoni ndaina, kinda Tamânda Maro Kindeni isuka Yesu Kirisi ña kâki, aku Yesu tini pasinala. ¹⁸ Maka warakama kaloño ngua njinde ne sarawâña iyoka pa samba ilo indue imâ, lâ zo njinde maka kamo kuku Yesu lâ tuu sapâña njinde kulu.

¹⁹ Mine nde maka kasama tu ngua-tulâña tamâta munğâña nenzi ngua njinde nde mao kanoño. Aku ara njana miki kala ma kalomi tawana ngua njinde mine nâ. Ngua njinde nde itogo sinâla njana ipane kondoma pwataki kâ. Aku sinâla njinde ma isinala nia mine lee mbwale pwataki, njineŋga pitu mboi njalae ma ipânga ku ma isinala ilomi kalomi. *

²⁰ Miki ma kapanâna sondo ndo njana ngua njine kâ, njana tu njine nde kekeke njalae tina; singani, lâ zo njinde kinzi ngua-tulâña tamâta siporo ku singere nenzi ngua lâ pepa tini, ande kinzi warakanzi sikura njana situla ngua njinde ne duvi pwataki, ande tia. ²¹ Andeta Koroani Sapâña ikai poe pa

* **1:19:** Petero isia ngua njana Yesu Kirisi kâ lâ Pitu Mboi tini.

kinzi ŋgua-tulâŋa tamâta ilonzi kalonzi, kala situla Maro Kindeni kawa ŋgua. Kinzi ŋandai sikai poe pa warakanzi ilonzi kalonzi ŋineŋga situla ŋgua ŋga. Tia ndo kanaanjo.

2

Kinzi tamâta sakamao pinde siyaulanzi kalo-tawana tamâta ilonzi kalonzi

¹ Mao nâ, muŋga ŋgua-tulâŋa tamâta laŋeŋa pinde simo lâ Isrel ŋgu ŋgininzi. Aku mine nâ, pananâŋa tamâta laŋeŋa pinde ma simâ sipâŋga miki ŋginimi tona, aku ma sikai laŋeŋa nâ sipanananzi tamâta ŋana Maro Kindeni ne vetâŋa kê. Kinzi ma sipavea nâ situla ŋgua laŋeŋa kaŋa-kaŋa ŋana sizavaru ilomi kalomi kê. Maro Ŋalae muŋga iyautenzi pananâŋa tamâta ŋinde piti lâ kondoma ilo, andeta kinzi sipu mulinzi pa Maro Ŋalae kilo. Mine nde Maro Kindeni ma muli izavarunzi walele nâ. ² Andeta kalo-tawana tamâta rârâ ma sipaveta kuku pananâŋa tamâta laŋeŋa ŋinde nenzi vetâŋa potomule kie-kie. Mine kala tamâta pinde ma siporo ŋgua soki-soki ŋana Nzâla Mao kê. ³ Kinzi pananâŋa tamâta laŋeŋa ŋinde ilonzi yosi ŋana tâno ne kelekele nâ. Mine kala kinzi ma siveta ŋgua laŋeŋa rârâ ŋana sikai nemi mbaliŋa wa kelekele saŋemi. Andeta siŋgani Maro Kindeni ipatea tu ma izavarunzi tamâta ŋinde ndo. Aku i ŋandai ikeno mata ŋga. I ma iveta panzi ikura muŋga ipa ŋgua tu ma iveta mine.

⁴ Miki kasama tu muŋga, kinzi aŋelo pinde siveta kiesaka, aku Maro Kindeni igera kinzi tia ndo. Itambiranzi silâ yââ ŋalae ne mbââ ilo, aku ipanzi lâ wâlo kaika tini. Kinzi uru simo mine lâ nia ŋaŋa

ilo, aku sindanje Maro Kindeni ne zo njalae njana ipare nia sondo panzi kâ. ⁵ Aku miki kasama tu nia ndoyo, tamâta rârâni simo siveta vetâña sakamao nâ lâ Maro Kindeni nao. Mine kala ipare nia panzi lâ. Iveta pondi njalae ipânnga panzi ku izavarunzi ndo lâ, kala naonzi tia lâ. Annga timbunda Noa, i tamâta njana itula ngua pwataki njana vetâña ara kâ, ande Maro Kindeni ikea njana i tavanzi tamâta lima kananjonzi rua, kala kinzi njinde nâ simo ara. ⁶ Aku miki kasama tu muli, Maro Kindeni ipa ngua njana izavaru Sodom lawea wa Gomora lawea wa. Isupwa yââ indue imâ ikananzi lawea rua njinde, kala kââ nâ ikeno. I ilo tu kinzi tamâta sipânnga muli-muli njinde ma kalonzi ngere njana mâsi njalae njinde munnga ipânnga pa Sodom lawea nga Gomora lawea. Ambo kinzi kala ma sipu mulinzi pa i, ande mâsi kie mine ma ipânnga pa kinzi tona. ⁷ Annga Loto, i nde tamâta ara ndo lâ Maro Kindeni nao, ande i munnga imo Sodom lawea. Imora vetâña potomule kie-kie kinzi tamâta sakamao njinde siveta, kala ilo malia ndo. Mine kala Maro Kindeni ikea njana Loto, kala imo ara nâ. ⁸ Loto nde tamâta ara lâ Maro Kindeni nao, taitu i imo kunzi tamâta simo Sodom lawea, aku ikura zo zo imora nenzi mâsi sakamao wa ilonjo nenzi ngua soki-soki wa. Mine kala i ilo kura tia ndo, aku kalo loko nâ. ⁹ Miki kasama lâ njana vetâña njinde rârâni. Aku njinde itula pwataki tu lâ zo ndia samânga wa malia mine ma ipânnga panzi tamâta, ande Maro Njalae uru ikea njananzi tamâta ea kalonzi tawana i. Annga kinzi kiesaka tamwatanzi, ande Maro Njalae ikainzi kaika ku nâna ilanzi lee, ikura lâ zo njalae njinde i ma ipare nia sondo panzi. ¹⁰ Aku lâ zo

ņinde, tamâta pinde ma sikai pareņa-nia sakamao ņalae tina. Naņa aporo ņananzi tamâta ņinde sipono muli pa ilo-kalo siņa ne mâsi sakamao, ku simora tukuņa rârâni tu kelekele kaa nâ.

Ayo, pananâņa tamâta laņeņa pinde nde simâ sipânģa lâ, kala simo ņginimi. Kinzi nde taņa-kaika tamwatanzi, aku sipaveta kuku warakanzi nenzi pateâņa nâ. Mine kala kinzi ņandai simege ņananzi aņelo arara ņinde simo samba ilo ņga. Kinzi siporo ņgua pavaligiņa nâ panzi. ¹¹ Taitu aņelo ņinde nenzi walo kaika nde ņalae ndo, ipolenzi pananâņa tamâta laņeņa ņinde nenzi walo. Andeta kinzi aņelo simege ņana Maro ņalae kâ. Mine kala kinzi ņandai siporo soki ku sisowe ņgua lâ tamâta ņinde tininzi lâ Maro ņalae nao ņga. ¹² Aņa pananâņa tamâta laņeņa ņinde nde sitogonzi ņgoa ņgoi, nenzi ilo-kalo tia ndo. Ambo ilonzi igagatinzi tu siveta vetâņa tonģe, ande ma siveta nâ. Vetâņa ara ndia kinzi sizizâla ņana, ande kinzi siporo ņgua pavaligiņa lâ ņinde tini. Muli ņga Maro Kindeni ma ikainzi tamâta ņinde kaika ku ma izavarunzi ndo lâ, itogo uru taveta panzi ņgoa ņgoi mine.

¹³ Kinzi uru nâna silanzi tamâta pinde. Mine nde muli Maro Kindeni ma itu ņana nenzi vetâņa ņinde, aku ma nâna ilanzi. Kinzi sindeka ņana sika wa sinu ņalae tina lâ tamâta naonzi, aku mainzi tia ndo. Mao nâ, kinzi sindeka ņana sika potomule mine nâ kuku miki. ¹⁴ Ikura zo zo, ambo kinzi matanzi ilâ simora taine tonģe, ande ilonzi ndo tu ma sipalulua tininzi kuku i. Kinzi uru ilonzi yosi mine ku simo nâ. Kinzi uru siporo silanģenzi tamâta pinde, kinzi ņinde nenzi kalo-tawana ikeno kaika tia, aku silele tamâta ņinde naonzi ilâ tu siveta

kiesaka. Kinzi ilonzi ndo ŋana sikai tamâta pinde nenzi kekelele saŋenzi kâ. Mine kala Maro Kindeni ma izavarunzi pananâŋa tamâta laŋeŋa ŋinde ndo lâ.

¹⁵ Kinzi sipile vetâŋa ara ne nzâla marumbu lâ, kala soka potomule silâ wa simâ wa. Kinzi sipono muli pa Beor natu Balam ne vetâŋa. Muŋga, Balam iveta kiesaka, aku ilo yosi ŋana mbumbu ikai lâ kiesaka ŋinde tini. ¹⁶ Iveta mine lee, ŋineŋga zo tonŋe “donki” tonŋe kawa ipwa, kala iporo ŋgua itogo tamâta mine. Donki ŋinde imbita Balam ŋana i ne vetâŋa sakamao ŋinde kâ. Kinda tasama tu kinzi donki sikura tu siporo ŋgua, ande tia. Mine kala ŋgua-tulâŋa tamâta laŋeŋa Balam imora mâsi ŋalae ŋinde, aku ipile ne vetâŋa kapa-kapa ŋinde.

¹⁷ Kinzi pananâŋa tamâta laŋeŋa ŋinde nde sitogo lââ bwalika ipâŋga mâsa-mâsa ndo mwasina. Aku sitogo take-take karâzi ikeno ilo, andeta lawea itapala ilâ kala karâzi imbe tia. * Maro Kindeni ipatea nia kondoma ŋaŋa ndo pa kinzi tu ma silâ simo nia ŋinde. ¹⁸ Ŋana tu tamâta ŋinde kawanzi ŋalae sisuka warakanzi ŋanzi kâki, aku sindeka nâ ŋana nenzi ŋgua kaa kaa ŋinde. Kinzi siporo ŋgua mâru-mâru silaŋenzi tamâta pinde, kala ilonzi kâki ŋana sipalulua tininzi potomule kâ. Kinzi sitapanzi kalo-tawana tamâta wasaseki pinde, kinzi ŋinde muŋga nâ sipile tinikoa nenzi mâsi sakamao. Kinzi ilonzi tu kalo-tawana tamâta wasaseki ŋinde nenzi kalo-tawana ma imbe ndo.

* **2:17:** Ŋgua siâŋa ŋine nde duvi mine; pananâŋa tamâta ŋinde siporo tu ma sivilanzi tamâta, andeta ŋandai sivilanzi ŋga.

19 Pananâŋa tamâta laŋeŋa ŋinde uru siporo mine tu, “Ambo miki ma kapaloŋo pa maka, ande miki ma kamo tinimi soo nâ, aku ma kakura tu kaveta vetâŋa ndia warakami nâ ilomi papa.” Andeta kiesaka ne nimbu nde ikainzi kaika lâ, kala simo sakamao nâ. Ninde nde duvi mine; ambo tamâta tonŋe isâu pa kelekele tonŋe tu ikai poe kaika papa i, ande ŋinde itogo iveta wurâta koa tia nâ pa kelekele ŋinde. 20 Pananâŋa tamâta laŋeŋa ŋinde muŋga kalonzi tawana nenda Maro Njalae Yesu Kirisi, ina nenda Yautâŋa Tamwata, aku nenzi kalo-tawana ŋinde ivilanzi tu sinŋenge ŋana tâno ne vetâŋa sakamao kâ. Andeta muli ŋga sipaveta kuku vetâŋa sakamao ŋinde kilo, kala vetâŋa sakamao ŋinde ne nimbu nde ikainzi kaika ku ipu nenzi walo ndue lâ. Muŋga, lâ zo ŋinde kinzi sizizâla yo ŋana Kirisi kâ, ande kinzi simo ara tia. Taitu vetâŋa sakamao ŋinde ne nimbu nde ipanzi kaika kilo, kala simo sakamao ndo. 21 Ambo pananâŋa tamâta laŋeŋa ŋinde sizizâla yo ŋana nzâla ara kâ, ande ŋinde ma ara tia. Taitu kaloŋo ŋga; kinzi siloŋo pâri ara ku sisama nzâla ŋinde kilala pwataki lâ, aku sipono muli pa Maro Kindeni ne tukuŋa. Andeta muli, kinzi sipu mulinzi pa nzâla ŋinde kilo, aku ŋinde nde ara tia ndo.

22 Kinzi nenzi vetâŋa mine nde iyoke ŋgua pinde tamâta uru siporo. Ngua tonŋe nde keno mine; “Ambo mbwâmbwa ilua, ande i ma itaulo ika ne luâŋa ŋinde kilo.” Anŋa ŋgua tonŋe kala ikeno mine; “Ambo ŋgoa ilili lâ lââ ilo, ande i ma itaulo kilo ku ipu ndumu lâ nziŋa ilo.” ŋa ilo.”

3

Ngua njine nde mao kanojo; Maro Nalae ma itaulo imâ kilo

¹ Njingu-nambwe wukale, nana munga angere ngua lâ pepa tonje tini ku ao imâ pami, kala njine angere ngua pinde lâ pepa tini kilo imâ pami. Lâ pepa rua njine, ande nana angere ngua njana apano ilomi kalomi kê, njana miki ma kalomi ngere kilo njana ngua mao wa ilo-kalo ara wa. ² Nana ilongu tu miki ma kalomi ngere kilo njana ngua njinde Maro Kindeni ne ngua-tulâna tamâta munga situla. Aku nana ilongu tu miki ma kalomi ngere kilo njana Maro Nalae ne tukuna tona, ina nenda Yautâna Tamwata. Munga kinzi pâri-tamâta simâ pami ku situla ngua tukuna ndainani nâ pami kalono lâ.

³ Nana ilongu tu miki ma kalono ngua njine sondo; muli nga, ande tamâta pinde ma simâ sipânga. Kinzi tamâta njinde ma sipaveta kuku vetâna sakamao ndia ilonzi papa njinde. Kinzi ma siporo ngua pavaligina pami mine tu, ⁴ “Yesu munga iporo tu i ma itaulo imâ kilo, a? Ande imo ndia, a? Yoo, i ma itaulo imâ kilo tia! Nia ndoyo, lâ zo njinde tâno ipânga wasaseki, aku imâ lee ikura lâ zo njinde timbunda simâte lâ, aku lâ zo njine wa, ande vetâna wasaseki tonje kie mine ipânga tia ndo.” ⁵ Tamâta njinde tininzi pwâka tu kalonzi ngere sondo. Mine kala kinzi kalonzi kapa njana njine kê; nia ndoyo, Maro Kindeni iporo ngua kala ipulianzi samba tava tâno sipânga lâ. Ikai lââ ku iveta tâno, njinnga io tâno kêki ipânga lâ lââ ngini. ⁶ Aku muli, njinnga Maro Kindeni ikai lââ ndainani nâ ku iveta pondi njalae ikâki ipanando tâno ku iyaula tâno ndo lâ.

⁷ Kala lâ zo ñine, ande Maro Kindeni kawa ñgua ndainani nâ uru ikatona samba wa tâno wa. I ma iveta mine lee, ikura lâ zo ñalae ñana i ma ipare nia panzi tamâta ea sipu mulinzi pa i, aku ma izavarunzi ndo lâ. Aku lâ zoni ndaina i ma isupwa yââ ikananzi samba wa tâno wa, kala naonzi tia lâ.

⁸ Niñgu-nambwe wukale, lâ Maro Ñalae nao, ande kari taitu mai nâ nde zo luandondo, itogo mbwera 1,000 mine, anğa mbwera 1,000 nde zo mbwana-mbwana nâ, itogo kari taitu mai nâ mine. Miki ma kalomi ñgere sondo ñana ñinde kâ, aku kalomi kapa ndimo. ⁹ Ñana tu tamâta pinde ilonzi patea tu Maro Ñalae uru iveta ne ñgua pânğa ipânğa kanaanjo walele tia, aku situ ñinde nde soki. Andeta tia. I tini pwâka tu tamâta taitu ma ipayaula. I ilo tu kinzi tamâta rârâni taitu-taitu ma sipalele ilonzi kalonzi ku kalonzi tawana i. Mine kala i kalo sukânğa ñananzi ku imo io tini nâ.

Samba wa tâno ma naonzi tia lâ

¹⁰ Taitu Maro Ñalae ne zo ñana itaulo imâ kilo kâ, ande ma imâ ipânğa itogo nanzare tamâta uru imâ ipânğa mine. Lâ zo ñinde, ande nduñeña ñalae tina ma ipânğa, aku samba ma nao tia lâ. Aku yââ ma ikananzi pitu rârâni marumbu lâ. Anğa tâno tava kelekele ndoni ikeno tâno kulu, ande ñinde ma marumbu ndo.

¹¹ Miki kalomi ñgere sondo ñga! Vetânğa mine ma izavaru kelekele rârâni ñinde, kala ma naonzi tia lâ. Mine kala lâ zo ñine, ande miki ma kamo tamâta mana, a? Ara ñana miki ma kapasakana ilomi kalomi sondo ku kapaveta kuku vetânğa rârâni Maro Kindeni ipatea ku itula pami ñinde. ¹² Ara ñana miki ma kao tinimi nâ ñana Maro Kindeni ne

zo njana imâ ipare nia panzi tamâta kâ. Aku ara njana miki ma kapasusua zo njinde tu imâ ipânnga walele nâ. Lâ zo njalae njinde, ande yââ ma ikana samba marumbu lâ, aku yââ ne mela-mela kaika ma ikananzi pitu rârâni tona. Mine kala pitu njinde ma sipânnga sitogo lââ mine. ¹³ Andeta Maro Kindeni ne njua pânja ikeno mine tu i ma muli ipu-lia samba wa tâno wasaseki. Aku lâ tâno wasaseki njinde, ande tamâta rârâni ma sipono muli mao nâ papa i. Kinda uru tao tininda nâ njana Maro Kindeni ne njua pânja njinde tu ma ipânnga kanaanjo.

Ara njana kinda ma tapakatona sondo ku tao tininda njana Maro Njalae kâ

¹⁴ Ningunambwe wukale, miki uru kao tinimi nâ njana Maro Kindeni ne zo njalae njinde njana imâ ipânnga kâ. Mine nde ara njana miki ma kakai wurâta kaika njana kapakatona warakami nemi ilo-kalo sondo kâ. Ambo miki ma kaveta mine, njinejga lâ zo njalae njinde, ande miki ma kamandi lâ Maro Kindeni nao tava ilomi mbâra-mbâra nâ. I ma imora soki wa kiesaka tonje ikeno tinimi, ande tia. Mine kala i ne wisi-nâna ma ikeno pami tia ndo. ¹⁵ Miki kalomi njgere njana njine kâ; Maro Njalae uru io tini pa kinda tu tapalele ilonda kalonda, njana tu i ilo tu iyaute kinda rârâni piti lâ kondoma ilo. Munja, Maro Kindeni itula ilo-kalo ara pa ninda-nambwe Paulo, kala injgere njua kaña taituni nâ imâ pami lâ. ¹⁶ Lâ i ne pepa rârâni, ande Paulo uru injgere njua kaña taituni mine njana zo njalae njinde kâ. Mao nâ, zo pinde Paulo ne njua katiņe ne duvi njandai ikeno nia yo nja, kala taroto njana njua njinde ne duvi. Mine kala tamâta pinde uru situla njua njinde ne duvi

soki-soki. Kinzi tininzi pwâka tu sisama ngua njinde duvi, aku nenzi kalo-tawana nde kaika tia. Kinzi sikai Maro Kindeni kawa ngua rârâ ikeno lâ pepa tini, aku silele soki-soki mine nâ. Mine nde lâ Maro Kindeni ne zo njalae njinde, ande i ma izavarunzi tamâta njinde ndo lâ.

¹⁷ Ningu-nambwe wukale, miki kasama lâ njana pananâna tamâta lanjeja njinde nenzi vetâna. Mine nde kapakatona warakami sondo nga. Tia ma pananâna tamâta sakamao njinde silanemi ku sisowe ilomi kalomi, kala nemi kalo-tawana ma imbe tâ. ¹⁸ Kinda nenda Maro Njalae Yesu Kirisi, ina nenda Yautâna Tamwata, ande uru io ne wisi-wisi imâ pami, aku miki kasama i kilala marumbu lâ. Ara njana miki ma kakai wurâta kaika njana kapanâna sondo ndo njana njinde kê. Tapanea Yesu Kirisi tasuka i njâ kêki ikura zo zo! Mao.

MARO KINDENI KAWA NGUA
The New Testament and Psalms in the Sio Language of
Papua New Guinea
Nupela Testamen long tokples Sio long Niugini

copyright © 1995 Wycliffe Bible Translators, Inc.

Language: Sio

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-08

PDF generated using Haiola and XeLaTeX on 11 Nov 2022 from source files dated 9 Oct 2020

21a9f7d3-4b3e-512c-ab21-eb25ed7aef4f